

Publicaziuns officialas dils 12 da december 2025

Vischnaunca Trun

Temps d'avertura dall'administraziun communal duront Nadal e Daniev

L'administraziun communal resta serrada naven da gliendisdis, ils 22-12-2025 allas 17.00 uras entochen gliendisdis, ils 05-01-2026 allas 09.30 uras.

Nus engraziein per la capientscha e giavischein a tuttas convischinas ed a tuts convischins in bi temps da Nadal ed ina buna entschatta digl onn niev.

Administraziun communal Trun

Reducziun dallas premias dalla cassa da malsauns per 2025 (IPV)

Persunas che han aunc buca fatg l'annunzia sur la pagina d'internet dalla cassa da cumpensaziun www.sva.gr.ch per igl onn 2025 ni tschentau ora il formular persuerter ston aunc far quei sil pli tard entochen ils 31-12-2025. Per damondas ni agid astgeis Vus s'annunziar tier l'administraziun communal Trun.

Filiala AVS Trun

Il cantar dils Treis Sogns Retgs

a Trun

Ils Treis Sogns Retgs fan in viadi tras vischnaunca nua che Vus haveis la pusseivladad da s'entupar cun els e tedlar las bialas canzuns ch'els vegnan a presentar.

Dumengia, ils 4 da schaner 2026

10.30 duront la s. messa a Trun

15.00 Casa sogn Martin, Trun

16.00 Casa Depuoz, Trun

16.40 avon baselgia a Zignau *

17.00 sper la caplutta da s. Giusep a Darvella *

17.20 sper la caplutta da s. Catrinaa Campliun *

17.40 sin plaz scola a Trun * *

cheu dat ei ina bubronda caulda

a Schlans

Sonda, ils 3 da schaner 2026

naven dallas 17:00 uras Ils Treis Sogns Retgs fan in viadi tras il vitg da Schlans e visetan las casadas. Ei fagess plascher sche biars arvessen lur esch-casa per tedlar las bialas canzuns.

Dumengia, ils 4 da schaner 2026 contan ils retgs allas 09:00 uras durant la s. messa.

Il recav ei destinaus per projects caritativs. Nus engraziein gia ordavon per Vies sustegn e giavischein a Vus tuts bialas fiastas ed in bien niev onn.

A bien seveser Ils scholars e las scholaras dalla 5. e 6. classa da Trun